

Bamberg, 22. Juni 1556

Von Joachim Camerarius d. Ä.

Druck: Camerarius, Epistolae S. 458f.

S. D. Pumilionem quo veheretur Cunradus noster, Norimbergae reliquimus, et illi curauimus vecturam alteram: de quo scripsi ad generosum D. Vlrichum. Illa enim erat mora et retardatio adiuncta, non curata processio et expeditio. Atque spero facinus hoc meae confidentiae illius generosam magnificentiam in opt[imam] partem accepturam esse. Vobis, tibi inquam et Laurentio nostro, cùm necesse sit gratias agere, nisi improbissimus haberi velim, tamen neque quibus verbis magnitudinem meritorum vestrorum explicem, inuenio, et verbis me vobis satisfacere quod re benefeceritis, pudet. Maneat igitur hoc, vt memoria singularis animi grati perpetuò praestetur: caetera remittantur, vel occasione reseruentur. Haec Pabebergae scripsi, vbi in domesticis negotijs frustra iam diem tertium haereo: et accersit me D. Stibarus valde conturbatus rumusculis aegrotationis meae. Tu velim benevolentiam erga me tuam conserues, et occasione scribendi ad me libenter vtare. D. Laurentium à me quàm officiosissimè salutari cupio: Itemqúe D. Achillem et Charinum nostrum. Cupio et generoso Domino tuo illiusqúe fratri Georgio viris summis, tuo studio commendari. Vale. Pabebergae. 10. Cal[endas] Vlis.
56.